

02 - SKENIRANI
1 HA WEB STRANA
Paj

Federalno ministarstvo rada i socijalne politike - Jedinica za implementaciju projekata socio-ekonomske podrške, obuke i prezapošljavanja (PIU SESER) i Federalni zavod za zapošljavanje, raspisuju:

**JAVNI POZIV NEZAPOSLENIM OSOBAMA
DA SE PRIJAVE ZA UČEŠĆE U PROGRAMIMA OBUKE**

Bosna i Hercegovina je aplicirala za kredit kod Međunarodne asocijacije za razvoj (IDA) u cilju implementacije projekta Podrška mrežama socijalne sigurnosti i zapošljavanja (SSNESP) i namjerava utrošiti dio sredstava kredita za implementaciju aktivnih mjera na tržištu rada. Finansijska sredstva za programe se obezbjeđuju putem Federalnog ministarstva rada i socijalne politike - Jedinice za implementaciju projekata socio-ekonomske podrške, obuke i prezapošljavanja (PIU SESER) i Federalnog zavoda za zapošljavanje. Broj korisnika programa i finansijska sredstva ograničena su po kantonima Federacije BiH. PIU SESER i Federalni zavod za zapošljavanje, u saradnji sa kantonalnim službama za zapošljavanje, pozivaju nezaposlene iz ciljne grupe projekta da se prijave na Javni poziv.

CILJNE GRUPE

1. Nezaposlene osobe kojima prestane pravo na primanje gotovinskih transfera, registrovane na evidenciji nezaposlenih osoba u FBiH, i to:

1a. Osobe sa onesposobljenjem (civilne, ratne vojne, civilne žrtve rata); Potreban dokaz: rješenje o prestanku prava na invalidninu, i/ili na ortopedski dodatak, i/ili na dodatak za njegu i pomoć.

1b. Demobilizirani borci (koji su bili korisnici prava iz Zakona o pravima demobiliziranih branilaca i članova njihovih porodica). Potreban dokaz: rješenje o prestanku prava na novčanu naknadu.

2. Nezaposlene osobe koje spadaju u ugrožene kategorije registrovane na evidenciji nezaposlenih osoba u FBiH, koje su teško zapošljive, i to:

2a. Osobe nezaposlene duže od 36 mjeseci, u kontinuitetu; Potreban dokaz: uvjerenje o nezaposlenosti.

2b. Osobe starosne dobi preko 40 godina, nezaposlene duže od 24 mjeseca, u kontinuitetu; Potreban dokaz: uvjerenje o nezaposlenosti.

2c. Socijalno ugrožene osobe - korisnici prava na stalnu novčanu pomoć; Potreban dokaz: Rješenje izdato od Centra za socijalni rad.

2d. Bivši šticeci domova za nezbrinutu djecu, starosne dobi do 30 godina; Potreban dokaz: Rješenje izdato od Centra za socijalni rad i/ili Doma za nezbrinutu djecu.

2e. Žene žrtve nasilja; Potreban dokaz: potvrda o statusu žene žrtve nasilja (sigurna kuća, mup, csr, nadležni Sud).

POTICAJNE MJERE

1a) Dokvalifikacija – doškoloavanje

Dokvalifikacija nezaposlenih osoba odnosno doškoloavanje u okviru istog zanimanja u srednjim školama za III ili IV stepen obrazovanja, u cilju lakšeg zapošljavanja. Podrška se odnosi isključivo za završnu razrednu godinu (3 ili 4 razred). Minimalan vremenski period od završetka prethodne školske godine (prekida školovanja) treba biti najmanje 12 mjeseci. Nije prihvatljivo finansiranje dokvalifikacije u gimnazijama i osnovnim školama. Max. iznos podrške: do 1000 KM; Max. vrijeme obuke – do 12 mjeseci;

1b) Prekvalifikacija

Prekvalifikacija nezaposlenih osoba odnosno obrazovanje i osposobljavanje za drugo zanimanje, istog ili višeg stepena stručne spreme, u obrazovnim institucijama ili centrima za prekvalifikaciju, radi lakšeg zapošljavanja. Prekvalifikaciji mogu pristupiti osobe koje minimalno imaju srednju školu – III stepen. Nije prihvatljivo finansiranje prekvalifikacije započete prije podnošenja zahtjeva za učešće u projektu. Nije prihvatljivo finansiranje prekvalifikacije nezaposlenih osoba u suficitarna zanimanja na području kantona. Max. iznos podrške: do 1500 KM; Max. vrijeme obuke – do 14 mjeseci;

1c) Stručno osposobljavanje i usavršavanje

Stručno osposobljavanje i usavršavanje nezaposlenih osoba (obuka za mali biznis, obuka za računovodstvo, obuka za kozmetičke usluge, obuka za zaštitare, kursevi šivanja) i drugi vidovi kurseva ili specifičnih obuka. Isključuje se finansiranje različitih stručnih upravnih i javnih ispita, informatičkih obuka, obuka za strane jezike i vozačkih obuka svih kategorija.

Max. iznos podrške: do 1000 KM; Max. vrijeme obuke – do 6 mjeseci;

1d) Stručno osposobljavanje i usavršavanje za deficitarna zanimanja

Stručno osposobljavanje i usavršavanje nezaposlenih osoba za deficitarna zanimanja (npr. mehatroničari, varioci sa certifikatom priznatim u EU, i sl.) u obrazovnim institucijama ili centrima za prekvalifikaciju i obuku. Max. iznos podrške: do 1500 KM; Max. vrijeme obuke – do 14 mjeseci;

PREPORUKA SAVJETODAVCA

Kao uvjet za apliciranje na program, nezaposlena osoba treba obaviti savjetovanje u nadležnom općinskom birou za zapošljavanje. Savjetodavac vrši procjenu opravdanosti za sudjelovanje u projektu u skladu sa osnovnim indikatorima projekta SSNESP - koliko će obuka doprinijeti kasnijoj zapošljivosti nezaposlene osobe? Savjetodavac izdaje pozitivnu ili negativnu procjenu o opravdanosti za ucesce u programu. Nezaposlene osobe koje su dobile negativnu procjenu savjetodavca ne mogu sudjelovati u odnosnom programu. U slučaju negativne procjene, savjetodavac nije u obavezi da obrazlaže svoju odluku aplikantu.

PRIJAVA NA JAVNI POZIV

Nezaposlene osobe koje žele učestvovati programima obuke podnose nadležnom općinskom birou za zapošljavanje:

- zahtjev za finansiranje/sufinansiranje obuke i K3-1 obrazac
- dokaz/e da osoba koja aplicira ispunjava kriterije postavljene ciljne grupe
- kopija CIPS osobne karte
- predračun i program obuke ovlaštene javne ustanove ili drugog ovlaštenoga subjekta

- **Nezaposlene osobe mogu koristiti podršku za samo jedan vid obuke.**

- Obuka se može vršiti isključivo u ovlaštenim javnim ustanovama ili drugim ovlaštenim subjektima (centrima za obuku ili drugim organizacijama) verifikovanim za odnosnu vrstu djelatnosti.

- Nezaposlene osobe koje su koristile sredstva iz podsticajnih mjera Federalnog zavoda za zapošljavanje ili kantonalnih službi za zapošljavanje, a nisu ispoštovale obaveze u skladu sa zaključenim ugovorima ne mogu učestvovati u ovim programima.

- Zahtjevi koji nisu u potpunosti popunjeni (uključujući i K3-1 obrasce) ili zahtjevi sa nekompletnom dokumentacijom neće se uzeti u razmatranje.

- Nezaposlene osobe koje se opredjele za učešće u obuci zadržavaju mogućnost sufinansiranja obuke čiji troškovi prelaze utvrđene maksimalne iznose.

- Ciljne grupe 2c, 2d i 2e, a koje su u stanju prijeko socijalne potrebe, stiču pravo i na finansiranje pratećih varijabilnih troškova u skladu sa odredbama Ugovora.

OBAVEZE NEZAPOSLENE OSOBE

Ukoliko se nezaposlenoj osobi odobri zahtjev, kao uvjet za potpis Ugovora sa Službom, nezaposlena osoba dostavlja, najdalje u roku od 30 dana: **Potvrdu o upisu u obrazovnu instituciju (datum upisa u školu, na kurs, i druge vrste obuke mora biti nakon datuma odobrenja zahtjeva za učešće i jasno vidljiv iz dokumenta o upisu).**

Sa podnosiocima zahtjeva kojima budu odobrena sredstva kantonalna/županijska služba za zapošljavanje zaključit će ugovor kojim će se utvrditi prava i obaveze ugovornih strana.

Korisnik je dužan nakon zaključenja ugovora dostaviti Službi fakturu obrazovne institucije sa instrukcijom za plaćanje za svaku fazu obuke posebno. Korisnik je dužan prisustvovati obuci prema programu obrazovne institucije i dužan je svaki mjesec dostavljati Službi potvrdu o prisustvu obuci u skladu sa predviđenim programom. Korisnik je obavezan o svim promjenama vezanim za realizaciju ugovora pismeno obavijestiti Službu najkasnije 8 dana od dana nastanka promjene. Korisnik je dužan, nakon završetka obuke, dostaviti Službi potvrde/certifikate obrazovne institucije o završenoj obuci u roku najkasnije 8 dana od dana prijema.

Javni poziv ostaje otvoren do 30.06.2012. godine ili do utroška raspoloživih sredstava.

Obrasci za apliciranje za Program dostupni su u nadležnom općinskom birou za zapošljavanje. Prijave nezaposlene osobe za učešće u Programu sa potrebnom dokumentacijom dostavljaju se neposredno nadležnom općinskom birou za zapošljavanje.

Federalno ministarstvo rada i socijalne politike - Jedinica za implementaciju projekata socio-ekonomske podrške, obuke i prezapošljavanja (PIU SESER) i Federalni zavod za zapošljavanje, raspisuju:

JAVNI POZIV NEZAPOSLENIM OSOBAMA

da se prijave za učešće u Programima

(1) Samozapošljavanja; ili (2) Podrška mobilnosti radne snage;

Bosna i Hercegovina je aplicirala za kredit kod Međunarodne asocijacije za razvoj (IDA) u cilju implementacije projekta Podrška mrežama socijalne sigurnosti i zapošljavanja (SSNESP) i namjerava utrošiti dio sredstava kredita za implementaciju aktivnih mjera na tržištu rada. Finansijska sredstva za programe se obezbjeđuju putem Federalnog ministarstva rada i socijalne politike - Jedinice za implementaciju projekata socio-ekonomske podrške, obuke i prezapošljavanja (PIU SESER) i Federalnog zavoda za zapošljavanje. Broj korisnika programa i finansijska sredstva ograničena su po kantonima Federacije BiH. PIU SESER i Federalni zavod za zapošljavanje, u saradnji sa kantonalnim službama za zapošljavanje, pozivaju nezaposlene iz ciljne grupe projekta da se prijave na Javni poziv.

CILJNE GRUPE

1. **Nezaposlene osobe kojima prestane pravo na primanje gotovinskih transfera, registrovane na evidenciji nezaposlenih osoba u FBiH, i to:**
 - 1a. Osobe sa onesposobljenjem (civilne, ratne vojne, civilne žrtve rata); Potreban dokaz: rješenje o prestanku prava na invalidninu, i/ili na ortopedski dodatak, i/ili na dodatak za njegu i pomoć.
 - 1b. Demobilizirani borci (koji su bili korisnici prava iz Zakona o pravima demobiliziranih branilaca i članova njihovih porodica). Potreban dokaz: rješenje o prestanku prava na novčanu naknadu.
2. **Nezaposlene osobe koje spadaju u ugrožene kategorije registrovane na evidenciji nezaposlenih osoba u FBiH, koje su teško zapošljive, i to:**
 - 2a. Osobe nezaposlene duže od 36 mjeseci, u kontinuitetu; Potreban dokaz: uvjerenje o nezaposlenosti.
 - 2b. Osobe starosne dobi preko 40 godina, nezaposlene duže od 24 mjeseca, u kontinuitetu; Potreban dokaz: uvjerenje o nezaposlenosti.
 - 2c. Socijalno ugrožene osobe - korisnici prava na stalnu novčanu pomoć; Potreban dokaz: Rješenje izdato od Centra za socijalni rad.
 - 2d. Bivši štićenici domova za nezbrinutu djecu, starosne dobi do 30 godina; Potreban dokaz: Rješenje izdato od Centra za socijalni rad i/ili Doma za nezbrinutu djecu.
 - 2e. Žene žrtve nasilja; Potreban dokaz: potvrda o statusu žene žrtve nasilja (sigurna kuća, mup, csr, nadležni Sud).

POTICAJNE MJERE

(1) SUFINANSIRANJE SAMOZAPOŠLJAVANJA

Programom sufinansiranja samozapošljavanja je predviđeno da se sufinansira samozapošljavanje ciljne grupe nezaposlenih osoba u poljoprivredi ili malom biznisu, s ciljem potpore poljoprivredi i ruralnom razvoju, kao i razvoju malih preduzeća. Samozapošljavanje u poljoprivredi ili malom biznisu podrazumijeva poticajna sredstva za registraciju poljoprivrednih gospodarstava ili malog biznisa za nezaposlene osobe koje imaju osnove pretpostavke za bavljenje istim. Nezaposlena osoba se obavezuje da će samostalnu djelatnost obavljati najmanje 12 mjeseci, izvršavati obaveze definirane odredbama Zakona o radu i izvršiti prijavu na obavezna osiguranja: penziono-invalidsko, zdravstveno i od nezaposlenosti. Za tu namjenu predviđena su bespovratna finansijska sredstva, i to u iznosu od 2.200,00 KM po osobi.

Prijava na javni poziv

Nezaposlene osobe koje žele učestvovati u programu samozapošljavanja podnose nadležnom općinskom birou za zapošljavanje:

- zahtjev i K3-1 obrazac
- dokaz/e da osoba koja aplicira ispunjava kriterije postavljene ciljne grupe
- izjavu da u protekle dvije godine nije koristio/la sredstva za samozapošljavanje iz podsticajnih mjera Federalnog zavoda za zapošljavanje, kantonalnih Službi za zapošljavanje ili drugih institucija.
- kopija CIPS osobne karte i prijava mjesta boravka.

Zahtjevi koji nisu u potpunosti popunjeni (uključujući i K3-1 obrasce) ili zahtjevi sa nekompletnom dokumentacijom neće se uzeti u razmatranje.

Obaveze nakon odobrenja sredstava

Ukoliko se nezaposlenoj osobi odobri zahtjev, kao uvjet za potpis Ugovora sa Službom, nezaposlena osoba dostavlja, najdalje u roku od 90 dana:

- JS 3100 obrazac - kopiju obrasca prijave na obavezna osiguranja kod Poreske Uprave, osobe čije se samozapošljavanje sufinansira (**datum prijave na obavezna osiguranja ne smije biti prije datuma odobrenja zahtjeva od strane komisije Službe.**)
- sredstvo osiguranja avansnog plaćanja – bjanko mjenicu i mjeničnu izjavu
- ovjerenu kopiju rješenja o registraciji obavljanja djelatnosti
- kopiju identifikacijskog broja
- broj računa registrirane djelatnosti kod poslovne banke

Sa podnosiocima zahtjeva kojima budu odobrena sredstva kantonalna/županijska služba za zapošljavanje zaključit će ugovor kojim će se utvrditi prava i obaveze ugovornih strana.

Obaveze korisnika

U toku dvanaest (12) mjeseci, protekom svakog mjeseca, dostavljati dokaze o isplaćenim plaćama i uplaćenim porezima i doprinosima (potpisane i ovjerene platne liste i specifikacije plaća ovjerene u Poreskoj upravi); Obavjestiti nadležnu kantonalnu službu za zapošljavanje o svakoj promjeni koja se može odraziti na izvršenje ugovornih obaveza potpisnika ugovora u roku od 8 dana;

(2) PODRŠKA MOBILNOSTI RADNE SNAGE

Projektom će se finansirati potencijalni mobilni radnici iz ciljne grupe nezaposlenih osoba koji bi mogli riješiti svoj problem nezaposlenosti kroz svakodnevno putovanje na posao i nazad, povremeno putovanje (tokom sedmice), ili premještajući se za stalno u drugi grad u istom ili drugom kantonu Federacije BiH. Korisnik je dužan Službi za svaki mjesec trajanja ugovora dostaviti Potvrdu poslodavca o zaposlenju do 20-tog u mjesecu za prethodni mjesec (original dokumenata). Za tu namjenu predviđena su bespovratna finansijska sredstva, i to u iznosu od 1.500,00 KM po osobi

Prijava na javni poziv

Nezaposlene osobe koje žele učestvovati u programu podrške mobilnosti radne snage podnose nadležnom općinskom birou za zapošljavanje:

- zahtjev i K3-1 obrazac
- dokaz/e da osoba koja aplicira ispunjava kriterije postavljene ciljne grupe
- Pismo namjere poslodavca iz drugog grada da će zaposliti korisnika
- kopija CIPS osobne karte i prijava mjesta boravka.

Zahtjevi koji nisu u potpunosti popunjeni (uključujući i K3-1 obrasce) ili zahtjevi sa nekompletnom dokumentacijom neće se uzeti u razmatranje.

Obaveze nakon odobrenja sredstava

Ukoliko se nezaposlenoj osobi odobri zahtjev, kao uvjet za potpis Ugovora sa Službom, nezaposlena osoba dostavlja, najdalje u roku od 90 dana: JS 3100 obrazac - kopiju obrasca prijave na obavezna osiguranja kod Poreske Uprave (**datum prijave na obavezna osiguranja ne smije biti prije datuma odobrenja zahtjeva od strane komisije Službe.**)

Sa podnosiocima zahtjeva kojima budu odobrena sredstva kantonalna/županijska služba za zapošljavanje zaključit će ugovor kojim će se utvrditi prava i obaveze ugovornih strana.

Obaveze korisnika

U toku dvanaest (12) mjeseci, protekom svakog mjeseca, dostavljati uvjerenje o zaposlenju što je uvjet za isplatu na mjesečnoj osnovi. Obavjestiti nadležnu kantonalnu službu za zapošljavanje o svakoj promjeni koja se može odraziti na izvršenje ugovornih obaveza potpisnika ugovora u roku od 8 dana.

Javni poziv ostaje otvoren do 30.06.2012. godine ili do utroška raspoloživih sredstava.

Obrasci za apliciranje za Program dostupni su u nadležnom općinskom birou za zapošljavanje.

Prijave za učešće u Programu sa potrebnom dokumentacijom dostavljaju se neposredno nadležnom općinskom birou za zapošljavanje.

Federalno ministarstvo rada i socijalne politike - Jedinica za implementaciju projekata socio-ekonomske podrške, obuke i zapošljavanja (PIU SESER) i Federalni zavod za zapošljavanje, raspisuju:

JAVNI POZIV POSLODAVCIMA
da se prijave za učešće u Programu: Sufinansiranje zapošljavanja

Bosna i Hercegovina je aplicirala za kredit kod Međunarodne asocijacije za razvoj (IDA) u cilju implementacije projekta Podrška mrežama socijalne sigurnosti i zapošljavanja (SSNESP) i namjerava utrošiti dio sredstava kredita za implementaciju aktivnih mjera na tržištu rada. Finansijska sredstva za programe se obezbjeđuju putem Federalnog ministarstva rada i socijalne politike - Jedinice za implementaciju projekata socio-ekonomske podrške, obuke i zapošljavanja (PIU SESER) i Federalnog zavoda za zapošljavanje. Broj korisnika programa i finansijska sredstva ograničena su po kantonima Federacije BiH. PIU SESER i Federalni zavod za zapošljavanje, u saradnji sa kantonalnim službama za zapošljavanje, pozivaju poslodavce iz FBiH koji su zainteresirani da uz finansijsku podršku zaposle osobe iz ciljne grupe projekta da se prijave na Javni poziv.

CILJNE GRUPE

1. **Nezaposlene osobe kojima prestane pravo na primanje gotovinskih transfera, registrovane na evidenciji nezaposlenih osoba u FBiH, i to:**
 - 1a. Osobe sa onesposobljenjem (civilne, ratne vojne, civilne žrtve rata); Potreban dokaz: rješenje o prestanku prava na invalidninu, i/ili na ortopedski dodatak, i/ili na dodatak za njegu i pomoć.
 - 1b. Demobilizirani borci (koji su bili korisnici prava iz Zakona o pravima demobiliziranih branilaca i članova njihovih porodica). Potreban dokaz: rješenje o prestanku prava na novčanu naknadu.
2. **Nezaposlene osobe koje spadaju u ugrožene kategorije registrovane na evidenciji nezaposlenih osoba u FBiH, koje su teško zapošljive, i to:**
 - 2a. Osobe nezaposlene duže od 36 mjeseci, u kontinuitetu; Potreban dokaz: uvjerenje o nezaposlenosti.
 - 2b. Osobe starije dobi preko 40 godina, nezaposlene duže od 24 mjeseca, u kontinuitetu; Potreban dokaz: uvjerenje o nezaposlenosti.
 - 2c. Socijalno ugrožene osobe - korisnici prava na stalnu novčanu pomoć; Potreban dokaz: Rješenje izdato od Centra za socijalni rad.
 - 2d. Bivši štićenici domova za nezbrinutu djecu, starije dobi do 30 godina; Potreban dokaz: Rješenje izdato od Centra za socijalni rad i/ili Doma za nezbrinutu djecu.
 - 2e. Žene žrtve nasilja; Potreban dokaz: potvrda o statusu žene žrtve nasilja (sigurna kuća, mup, csr, nadležni Sud).

POTICAJNE MJERE

Programom sufinansiranja zapošljavanja je predviđeno da se sufinansira zapošljavanje kod poslodavaca s ciljem smanjenja i prevencije dugoročne nezaposlenosti i povećanja stope zaposlenosti fokusirajući se na neaktivne grupe i posebno ugrožene kategorije. Obaveza poslodavca je da osobu zaposli na period od najmanje 12 mjeseci (potpiše ugovor o radu, te izvrši prijavu na obavezna osiguranja: penziono-invalidsko, zdravstveno i od nezaposlenosti). Za tu namjenu predviđena su bespovratna finansijska sredstva, i to u iznosu od 2.200,00 KM po osobi. Sve međusobne obaveze između finansijera i poslodavca će se regulirati Ugovorom o sufinansiranju zapošljavanja.

PRIJAVA NA JAVNI POZIV

Poslodavci koji imaju potrebu za zapošljavanjem radnika (iz ciljne grupe nezaposlenih osoba) podnose nadležnoj kantonalnoj/županijskoj službi za zapošljavanje ili nadležnom općinskom birou za zapošljavanje original ili ovjerene fotokopije slijedećih dokumenata:

- zahtjev za učešće u programu i K3-1 obrazac za svaku osobu za koju se aplicira
- dokaz/e da osobe za koje se aplicira ispunjavaju kriterije postavljene ciljne grupe
- rješenje iz sudskog registra za obavljanje djelatnosti ili rješenje o registraciji samostalne djelatnosti
- identifikacioni broj

- pozitivan finansijski izvještaj o poslovanju za posljednji izvještajni period (bilans stanja, bilans uspjeha), odnosno za samostalnu djelatnost, obrazac SPR-1053 specifikaciju za utvrđivanje dohotka od samostalne djelatnosti
- dokaze – uvjerenja o izmirenim obavezama po osnovu poreza i doprinosa, ne starija od 30 dana od dana podnošenja zahtjeva
- uvjerenje o trenutnom broju zaposlenih, ne starije od 30 dana od dana podnošenja zahtjeva
- broj transakcijskog računa

Poslodavac ne može otpustiti već uposlene radnike radi upošljavanja korisnika po osnovu ovih programa.

Poslodavci koji negativno posluju i poslodavci koji ne izmiruju obaveze prema javnim prihodima, ne mogu učestvovati u ovim programima.

Poslodavci koji su koristili sredstva iz podsticajnih mjera Federalnog zavoda za zapošljavanje ili kantonalnih službi za zapošljavanje, a nisu ispoštovali obaveze u skladu sa zaključenim ugovorima ne mogu učestvovati u ovim programima.

Također, poslodavci koji su koristili sredstva za sufinansiranje zapošljavanja po bilo kojem programu u prethodne dvije godine, a nisu zadržali najmanje 80% sufinansiranih osoba u radnom odnosu, po okončanju perioda sufinansiranja, ne mogu učestvovati u ovom programu.

Pravna lica koja se finansiraju iz budžeta Federacije Bosne i Hercegovine (budžetski korisnici) ne mogu učestvovati u ovom programu.

Zahtjevi koji nisu u potpunosti popunjeni (uključujući i K3-1 obrasce) ili zahtjevi sa nekompletnom dokumentacijom neće se uzeti u razmatranje.

Obaveze nakon odobravanja sredstava:

Ukoliko se poslodavcu odobri zahtjev, kao uvjet za potpis Ugovora sa Službom, poslodavac dostavlja, najdalje u roku od kalendarskih 30 dana:

- JS 3100 obrazac - kopiju obrasca prijave na obavezna osiguranja kod Poreske Uprave, osobe čije se zapošljavanje sufinansira (datum prijave na obavezna osiguranja ne smije biti prije datuma odobrenja zahtjeva od strane komisije Službe).
- sredstvo osiguranja avansnog plaćanja – bjanko mjenicu i mjeničnu izjavu, ili bezuvjetnu bankovnu garanciju, na odgovarajući iznos za ugovore vrijednosti preko 8.800 KM u cilju uplate avansa.

Obaveze poslodavca:

Isplatiti osobi, čije se zapošljavanje sufinansira, neto plaću u skladu sa zakonskim propisima i izvršiti uplatu zakonom propisanih poreza i doprinosa; U toku dvanaest (12) mjeseci za osobe, čije se zapošljavanje sufinansira, protekom svakog mjeseca, dostavljati dokaze o isplaćenim plaćama i uplaćenim porezima i doprinosima za sufinansirane osobe (spisak sufinansiranih osoba, njihove potpisane i ovjerene platne liste i specifikacije plaća ovjerene u Poreskoj upravi); Obavijestiti nadležnu kantonalnu službu za zapošljavanje o svakoj promjeni koja se može odraziti na izvršenje ugovornih obaveza potpisnika ugovora u roku od 8 dana;

Javni poziv ostaje otvoren do 30.06.2012. godine ili do utroška raspoloživih sredstava.

Obrasci za apliciranje za Program dostupni su u nadležnom općinskom birou za zapošljavanje i nadležnoj kantonalnoj/županijskoj službi za zapošljavanje. Prijave poslodavaca za učešće u Programu sa potrebnom dokumentacijom dostavljaju se neposredno ili poštom nadležnom općinskom birou za zapošljavanje ili nadležnoj kantonalnoj/županijskoj službi za zapošljavanje.